

BOSNA I HERCEGOVINA  
VIJEĆE MINISTARA

**INDEKS-REGISTAR**

INFORMACIJE KOJE SU POD KONTROLOM VIJEĆA MINISTARA BiH  
(bosanski jezik)

Indeks-registar možete, na vaš zahtjev, dobiti u prostorijama Službe za informiranje Generalnog sekretarijata Vijeća ministara BiH (Sarajevo, Trg BiH 1) ili na internet stranici Vijeća ministara BiH:  
[www.vijeceministara.gov.ba](http://www.vijeceministara.gov.ba)

## UVODNE NAPOMENE

Vijeće ministara donosi odluke, zaključke, rješenja i uputstva; usvaja nacrte i prijedloge zakona koji se upućuju parlamentu, te analize, informacije, izvještaje, strategijske dokumente, programe i druge akte.

Ministarstva u Vijeću ministara BiH i drugi organi uprave posjeduju brojne informacije iz djelokruga svog rada, većinom u pisanom obliku, u originalu ili fotokopiji.

Pristup informacijama detaljno je opisan u Vodiču Vijeća ministara BiH, a također vam ga mogu objasniti i ovlašteni službenici za informiranje.

Ovaj indeks-registar, uz nazine ministarstava i drugih organa uprave, sadrži njihove osnovne nadležnosti, o kojima posjeduju i odgovarajuće informacije.

Za podatke koji nisu navedeni u Indeks-registru, informacije možete dobiti od ovlaštenih službenika.

Predsjedavajući, u skladu sa Zakonom o Vijeću, predstavlja Vijeće ministara i odgovoran je za:

- usklađivanje rada Vijeća ministara;
- usklađivanje ustavnih odnosa Vijeća ministara s radom Predsjedništva, Parlamentarne skupštine, kao i s entitetima i Brčko Distrikтом BiH;
- osiguranje saradnje između Vijeća ministara i vlada entiteta i nižih nivoa vlasti;
- sazivanje sjednica Vijeća ministara;
- predsjedavanje sjednicama Vijeća ministara;
- dnevni red sjednica Vijeća ministara;
- provođenje odluka Vijeća ministara;
- rad Direkcije za evropske integracije.

U saradnji sa svojim zamjenicima, predsjedavajući utvrđuje politiku rada Vijeća ministara, a naročito prioritete i dinamiku u radu Vijeća ministara.

Predsjedavajući usklađuje i prati aktivnosti institucija vlasti u BiH u vezi s integracijom Bosne i Hercegovine u Evropsku uniju. S ciljem djelotvornog obavljanja ovih poslova i zadataka, predsjedavajućem je direktno odgovorna Direkcija za evropske integracije.

Predsjedavajući potpisuje odluke i druge akte koje donosi Vijeće ministara, kao i prijedloge, mišljenja, izjašnjenja i inicijative koje utvrđuje Vijeće ministara i dostavlja ih parlamentu i Predsjedništvu u skladu s odlukama Vijeća ministara.

## MINISTARSTVA BOSNE I HERCEGOVINE:

Ministarstvo vanjskih poslova  
Ministarstvo vanjske trgovine i ekonomskih odnosa  
Ministarstvo komunikacija i prometa  
Ministarstvo finansija i trezora  
Ministarstvo za ljudska prava i izbjeglice  
Ministarstvo pravde  
Ministarstvo sigurnosti  
Ministarstvo civilnih poslova  
Ministarstvo odbrane

## MINISTARSTVO VANJSKIH POSLOVA

Nadležno je za:

- provođenje utvrđene politike BiH i razvoj međunarodnih odnosa u skladu sa stavovima i smjernicama Predsjedništva Bosne i Hercegovine;
- predlaže utvrđivanje stavova o pitanjima od interesa za vanjskopolitičke aktivnosti i međunarodni položaj BiH;
- zastupanje BiH u diplomatskim odnosima prema drugim državama, međunarodnim organizacijama i na međunarodnim konferencijama, i za neposrednu komunikaciju s diplomatskim i predstavništvima drugih država i misijama međunarodnih organizacija u BiH i obavlja stručne poslove u vezi s tim;
- praćenje stanja i razvoja međunarodnih odnosa BiH s drugim državama, međunarodnim organizacijama i drugim subjektima međunarodnog prava i međunarodnih odnosa i o tome izvještava parlament Bosne i Hercegovine, Predsjedništvo Bosne i Hercegovine i Vijeće ministara Bosne i Hercegovine;
- predlaganje Predsjedništvu BiH uspostavljanja ili prekida diplomatskih ili konzularnih odnosa s drugim državama;
- saradnju s međunarodnim organizacijama, predlaganje Predsjedništvu BiH učlanjenja odnosno učešća BiH u radu međunarodnih organizacija;
- organiziranje, usmjeravanje i koordiniranje rada diplomatsko-konzularnih predstavništava BiH u inozemstvu;
- pripremanje i organiziranje međunarodnih posjeta i susreta;
- pripremanje bilateralnih i multilateralnih sporazuma;
- vršenje poslova u vezi s boravkom i zaštitom prava i interesa

državljana BiH na stalnom i privremenom boravku u inozemstvu i domaćih pravnih lica u inozemstvu;

- praćenje, u saradnji s nadležnim ministarstvima i institucijama, međunarodnih ekonomskih kretanja i odnosa i obavljanje nadležnih organa o tome, kao i o ekonomskim odnosima BiH s pojedinim zemljama i regionima;
- podsticanje, razvijanje i koordiniranje saradnje s iseljeništvom iz BiH;
- pripremu dokumentacije, analiza, informacija i drugih materijala za potrebe Predsjedništva Bosne i Hercegovine, Vijeća ministara i drugih organa nadležnih za sprovodenje vanjske politike.

## MINISTARSTVO VANJSKE TRGOVINE I EKONOMSKIH ODNOSA

Nadležno je za:

- vanjskotrgovinsku politiku i carinsko-tarifnu politiku BiH;
- pripremanje ugovora, sporazuma i drugih akata iz oblasti ekonomskih odnosa i trgovine s drugim državama;
- pripremanje bilateralnih i multilateralnih sporazuma i drugih akata u vezi s obnovom i rekonstrukcijom BiH;
- odnose s međunarodnim organizacijama i institucijama iz oblasti vanjske trgovine i ekonomskih odnosa;
- pripremu i izradu makroekonomskih, odnosno strateških dokumenata iz oblasti ekonomskih odnosa;
- poslovno okruženje, jedinstven ekonomski prostor;
- razvoj i promociju preduzetništva;
- kontrolu prometa roba i usluga koji imaju poseban režim u prometu, odnosno u izvozu i uvozu;
- zaštitu potrošača;
- konkureniju;
- veterinarstvo.

Ministarstvo je nadležno i za obavljanje poslova i zadataka iz nadležnosti BiH koji se odnose na definiranje politike, osnovnih principa, koordiniranje djelatnosti i usklađivanje planova entitetskih tijela vlasti i institucija na međunarodnom planu u područjima:

- poljoprivrede;
- energetike;
- zaštite okoliša, razvoja i korištenja prirodnih resursa;
- turizma.

U sastavu ovog ministarstva kao upravne organizacije su Ured za veterinarstvo BiH, Uprava BiH za zaštitu zdravlja bilja i Ured za harmonizaciju i koordinaciju sistema plaćanja.

## MINISTARSTVO KOMUNIKACIJA I PROMETA

Nadležno je za:

- politiku i reguliranje zajedničkih i međunarodnih komunikacionih uređaja;
- međunarodni i međuentitetski transport i infrastrukturu;
- pripremanje ugovora, sporazuma i drugih akata iz oblasti međunarodnih i međuentitetskih komunikacija i transporta;
- odnose s međunarodnim organizacijama iz oblasti međunarodnih i međuentitetskih komunikacija i prometa;
- pripremu i izradu strateških i planskih dokumenata iz oblasti međunarodnih i međuentitetskih komunikacija, prometa, infrastrukture i informacionih tehnologija;
- poslove kontrole neometanog transporta u međunarodnom transportu;
- civilno zrakoplovstvo i nadzor zračnog prometa.

U sastavu ovog ministarstva su upravne organizacije Direkcija za civilno zrakoplovstvo Bosne i Hercegovine i Regulatorni odbor željeznica BiH, čija su prava i dužnosti utvrđeni posebnim zakonom.

## MINISTARSTVO FINANSIJA I TREZORA

Nadležno je za:

- principe poreske politike, taksi i propisa;
- odnose s međunarodnim i domaćim finansijskim institucijama;
- pripremanje ugovora, sporazuma i drugih akata kojim BiH preuzima kreditne i druge finansijske obaveze s drugim zemljama i međunarodnim organizacijama;
- planiranje i upravljanje dugom BiH, izvršavanje međunarodnih finansijskih obaveza;
- politiku novog zaduživanja u zemlji i inozemstvu;
- pripremu budžeta BiH i završnog računa BiH;
- koordinaciju aktivnosti za osiguranje budžetskih sredstava BiH;
- izvršavanje budžeta BiH i staranje o finansiranju institucija BiH;
- vođenje aktivnosti o sukcesiji imovine bivše SFRJ;
- bankarske propise koji se odnose na funkcioniranje Centralne banke BiH;
- upravljanje imovinom u vlasništvu institucija BiH;

- kompiliranje, distribuciju i objavljivanje konsolidiranih općih vladinih fiskalnih podataka;
- koordiniranje međunarodne ekonomске pomoći BiH, izuzev dijela koji se odnosi na pomoć Evropske unije;
- uređenje interne kontrole budžetskih korisnika u skladu s međunarodno priznatim standardima interne kontrole, kao i za davanje smjernica za uspostavu i održavanje sistema interne kontrole;
- razvoj, rukovođenje i koordiniranje interne revizije u institucijama Bosne i Hercegovine.

U sastavu ovog ministarstva je Centralna harmonizaciona jedinica Ministarstva finansija i trezora sa statusom upravne organizacije.

## MINISTARSTVO ZA LJUDSKA PRAVA I IZBJEGLICE

Nadležno je za:

- praćenje i provođenje međunarodnih konvencija i drugih dokumenata iz oblasti ljudskih prava i osnovnih sloboda;
- promoviranje i zaštitu ličnih i kolektivnih ljudskih prava i sloboda;
- koordinaciju i pripremu izvještaja nadležnim domaćim organima i institucijama i međunarodnim institucijama i organizacijama o provođenju obaveza iz međunarodnih konvencija i međunarodnih dokumenata;
- kreiranje i provođenje aktivnosti na ispunjavanju obaveza BiH u pogledu prijema u evroatlantske integracije, a posebno u vezi s primjenom Evropske konvencije o ljudskim pravima i osnovnim slobodama i njenim protokolima;
- uspostavljanje i funkcioniranje zastupnika/agenta Vijeća ministara BiH i Ureda zastupnika/agenta Vijeća ministara BiH pred Evropskim sudom za ljudska prava;
- uspostavljanje i funkcioniranje Agencije za ravnopravnost spolova u BiH i staranje o ravnopravnosti spolova;
- praćenje, izradu i distribuiranje informacija o standardima, ostvarenjima i aktivnostima u oblasti ljudskih prava;
- saradnju s vjerskim zajednicama, nacionalnim manjinama i njihovim udruženjima, s institucijama i organizacijama zaduženim za traženje nestalih lica u BiH, sa Crvenim krstom/križem BiH i Međunarodnim komitetom Crvenog krsta/križa i humanitarnim organizacijama;
- briga o pravima i pitanjima izbjeglica i lica pod supsidijarnom zaštitom u BiH nakon utvrđivanja njihovog statusa;
- provođenje Aneksa VII Općeg okvirnog sporazuma za mir u BiH;

- kreiranje i provođenje politike BiH u oblasti povratka izbjeglica i raseljenih lica u BiH, projekata rekonstrukcije i osiguranja drugih uvjeta za održiv povratak;
- koordiniranje, usmjeravanje i nadzor u okviru Komisije za izbjeglice i raseljena lica, aktivnosti entiteta i drugih institucija u BiH odgovornih za provođenje politike u ovoj oblasti;
- sve ostale aktivnosti propisane zakonom, i/ili koje se odnose na provođenje Aneksa VI i VII Općeg okvirnog sporazuma za mir u BiH;
- sve podatke koje Ministarstvo cijeni relevantnim u skladu sa svim važećim standardima o zaštiti podataka;
- saradnju s nevladinim sektorom po pitanjima iz nadležnosti Ministarstva;
- kreiranje politike Bosne i Hercegovine prema iseljeničtvu;
- prikupljanje, sistematiziranje, publiciranje i distribuiranje svih podataka iz nadležnosti Ministarstva.

Ministarstvo je nadležno i za obavljanje poslova koji su u nadležnosti BiH i koji se odnose na utvrđivanje osnovnih načela koordiniranja aktivnosti, usklađivanja politika i planova organa vlasti BiH i međunarodne zajednice u oblasti: stambene politike, obnove i razvoja i projekta održivog povratka i njihovog evidentiranja.

## MINISTARSTVO PRAVDE

Nadležno je za:

- administrativne funkcije u vezi s pravosudnim organima na državnom nivou;
- međunarodnu i međuentitetsku pravosudnu saradnju (međusobne pravne pomoći i kontakte s međunarodnim tribunalima);
- osiguranje da zakonodavstvo BiH i njegovo provođenje na svim nivoima budu u skladu s obavezama BiH koje proizilaze iz međunarodnih sporazuma;
- saradnju s Ministarstvom vanjskih poslova i entitetima na izradi međunarodnih bilateralnih i multilateralnih sporazuma;
- davanje smjernica i praćenje pravnog obrazovanja, kako bi se osigurala međuentitetska harmonizacija u ovoj oblasti i postupanje u skladu s najboljim standardima;
- općenito djelovanje kao centralni koordinirajući organ za osiguranje usklađenosti zakonodavstva i standarda pravosudnog sistema među entitetima, bilo osiguranjem uvjeta za raspravu ili koordiniranjem inicijativa;
- ekstradiciju;

- poslove upravne inspekcije nad izvršavanjem zakona koji se odnose na državne službenike i zaposlene u organima uprave, upravni postupak i posebne upravne postupke i uredsko poslovanje u organima uprave;
- pitanja udruženja građana, vođenje registara udruženja građana i nevladinih organizacija koje djeluju na teritoriji BiH;
- druge poslove i zadatke koji nisu u nadležnosti drugih ministarstava BiH, a srodni su poslovima iz nadležnosti ovog ministarstva.

## MINISTARSTVO SIGURNOSTI

Nadležno je za:

- zaštitu međunarodnih granica, unutrašnjih graničnih prijelaza i reguliranje prometa na graničnim prijelazima BiH;
- sprečavanje i otkrivanje počinilaca krivičnih djela terorizma, trgovine drogom, krivotvorenja domaće i strane valute i trgovine ljudima i drugih krivičnih djela s međunarodnim ili međuentitetskim elementom;
- međunarodnu saradnju u svim oblastima iz nadležnosti Ministarstva;
- zaštitu lica i objekata;
- prikupljanje i korištenje podataka od značaja za sigurnost BiH;
- organizaciju i usaglašavanje aktivnosti entitetskih ministarstava unutrašnjih poslova i Brčko Distrikta BiH u ostvarivanju sigurnosnih zadataka u interesu BiH;
- provođenje međunarodnih obaveza i saradnju u provođenju civilne zaštite, koordiniranje djelovanja entitetskih službi civilne zaštite u BiH, i usklađivanje njihovih planova za slučaj prirodnih ili drugih nesreća koje zahvataju teritoriju BiH, i donošenje programa i planova zaštite i spašavanja;
- kreira, stara se i provodi politiku useljavanja i azila u BiH
- uređivanje procedure i načina organizacije službe u vezi s kretanjem i boravkom stranaca u BiH;
- pružanje podrške policijskim tijelima BiH;
- školovanje i stručno usavršavanje kadrova u skladu s potrebama policijskih tijela BiH i drugih službi i agencija iz oblasti sigurnosti;
- forenzička ispitivanja i vještačenja.

U sastavu ovog ministarstva kao upravne organizacije su Direkcija za koordinaciju policijskih tijela BiH (u dalnjem tekstu: Direkcija), Granična policija Bosne i Hercegovine, Državna agencija za istrage i zaštitu, Agencija za forenzička ispitivanja i vještačenja, Agencija za školovanje i stručno usavršavanje kadrova, Agencija za policijsku podršku i Služba za poslove sa strancima, čija se prava, dužnosti i operativna samostalnost uređuju posebnim zakonima.

Ured za saradnju s Interpolom, kao samostalna služba u sastavu ovog ministarstva, prelazi u Direkciju kao sektor za međunarodnu operativnu policijsku saradnju s INTERPOLOM, EUROPOLOM, SECI centrom i drugim međunarodnim organizacijama u skladu s važećim sporazumima.

## MINISTARSTVO CIVILNIH POSLOVA

Nadležno je za:

- poslove državljanstva, upis i evidenciju građana, zaštitu ličnih podataka, prijavljivanje prebivališta i boravišta, lične isprave, putne isprave i postupak evidencije registracije vozila;
- deminiranje.

Ministarstvo je nadležno za obavljanje poslova i izvršavanje zadataka koji su u nadležnosti Bosne i Hercegovine i koji se odnose na utvrđivanje osnovnih principa koordinacije aktivnosti, usklađivanja planova entitetskih tijela vlasti i definiranje strategije na međunarodnom planu u područjima:

- zdravstva i socijalne zaštite;
- penzija;
- nauke i obrazovanja;
- rada i zapošljavanja;
- kulture i sporta;
- geodetskih, geoloških i meteoroloških poslova.

U sastavu ovog ministarstva su Agencija za identifikacione dokumente, evidenciju i razmjenu podataka Bosne i Hercegovine i Komisija za deminiranje u BiH kao samostalne službe čija su prava i dužnosti utvrđeni posebnim propisima.

## MINISTARSTVO ODBRANE

Nadležno je za:

- stvaranje i održavanje odbrambenog kapaciteta kako bi se osigurala zaštita suvereniteta, teritorijalnog integriteta, političke nezavisnosti i međunarodnog subjektiviteta Bosne i Hercegovine;
- predlaganje budžeta za odbranu Bosne i Hercegovine i izdavanje odobrenja za rashode iz budžeta Bosne i Hercegovine za odbranu;
- organizaciju, opremanje i snabdijevanje Oružanih snaga;

- reguliranje organizacije i vođenja pukova, njihovih komandi i osoblja;
- provođenje definiranih politika i smjernica, te osiguranje provođenja zakona, ostalih propisa i općih akata iz oblasti odbrane;
- izvršavanje obaveza u vezi s izgradnjom i održavanjem vojnih i drugih objekata, kao i objekata od posebnog značaja za odbranu BiH;
- upravljanje i korištenje sredstava namijenjenih za potrebe Oružanih snaga;
- nabavljanje, čuvanje i obnavljanje rezervnih proizvoda posebne namjene za potrebe Oružanih snaga;
- izrađivanje kriterija o uvjetima i načinu skladištenja, čuvanja i održavanja naoružanja i vojne opreme i brigu o zaštiti materijalnih sredstava i objekata u Oružanim snagama;
- ispitivanje, kontrolu kvaliteta i verifikaciju naoružanja i vojne opreme za potrebe Oružanih snaga;
- planiranje, izvođenje geodetskih, fotogrametrijskih i kartografsko-reprodukcionih poslova od interesa za odbranu, provođenje nadzora nad izvođenjem tih poslova i brigu o čuvanju, skladištenju i distribuiranju geodetskih, fotogrametrijskih i kartografskih materijala i dokumenata značajnih za odbranu;
- organiziranje veze, protivelektronskog osiguranja i kriptozaštite Oružanih snaga;
- organiziranje i obavljanje inspekcijskog nadzora nad Oružanim snagama;
- organiziranje i provođenje mjera sigurnosti i zaštite odbrambenog sistema, kao i tajnih podataka odbrane;
- donošenje politika i osnovnih pravila za Oružane snage;
- donošenje propisa o školovanju, odgoju i obrazovanju u Oružanim snagama;
- donošenje propisa o vojnoj disciplini i drugih propisa predviđenih ovim zakonom;
- predstavljanje Bosne i Hercegovine u međunarodnim odnosima koji se tiču pitanja odbrane;
- nadzor nad svim subjektima Oružanih snaga;
- upućivanje prijedloga Vijeću ministara Bosne i Hercegovine s inicijativom o učešću u operacijama podrške miru, kao i druge nadležnosti propisane Zakonom o učešću pripadnika Oružanih snaga Bosne i Hercegovine, policijskih službenika, državnih službenika i ostalih zaposlenika u operacijama podrške miru i drugim aktivnostima u inozemstvu ("Službeni glasnik BiH", broj 14/05);
- izradu, pregled i ažuriranje Odbrambene politike Bosne i Hercegovine koju odobrava Predsjedništvo;
- izradu i odobravanje politika i propisa u pogledu organizacije, administracije, osoblja, obuke, opremanja i upotrebe Oružanih snaga;
- osiguranje da Bosna i Hercegovina poštuje međunarodne obaveze koje se tiču pitanja odbrane;
- izradu procedura za odobravanje vojne pomoći civilnim vlastima u slučaju prirodnih i drugih katastrofa i nesreća, prema ovlaštenjima Predsjedništva;

- osiguranje transparentnosti funkcija Ministarstva odbrane;
- utvrđivanje politike stambenog zbrinjavanja pripadnika Ministarstva odbrane i Oružanih snaga;
- planiranje i organiziranje naučnoistraživačkog rada značajnog za odbranu;
- davanje stručnih mišljenja o nastavnim programima koji se tiču isključivo vojnih aspekata civilne odbrane, a na zahtjev nadležnih institucija;
- ostale nadležnosti definirane zakonom.

## STALNA TIJELA VIJEĆA MINISTARA

Direkcija za evropske integracije

Generalni sekretarijat

Ured za zakonodavstvo

Odbor za unutrašnju politiku

Odbor za ekonomiju

Ured koordinatora Brčko Distrikta BiH

## DIREKCIJA ZA EVROPSKE INTEGRACIJE

Nadležna je za:

- koordinaciju poslova na usklađivanju pravnog sistema BiH sa standardima za pristupanje Evropskoj uniji (acquis commynnataire);
- provjeru usklađenosti svih nacrta zakona i propisa koje Vijeću ministara dostavljaju ministarstva i upravne organizacije s direktivama "Bijele knjige - Pripreme pridruženih zemalja Centralne i Istočne Evrope za integraciju u unutrašnje tržište Unije" i procedurama zadovoljavanja zahtjeva relevantne direktive;
- usklađivanje aktivnosti organa i institucija u BiH koje se odnose na odgovarajuće aktivnosti potrebne za evropske integracije;
- učešće, kao tehničko operativno tijelo, za kontakte s Evropskim komisijom;
- koordinaciju nad provođenjem odluka koje donose nadležni organi i institucije BiH, entiteta i Brčko Distrikta BiH u odnosu na sve aktivnosti potrebne za evropske integracije;
- učešće u aktivnostima ili izradi nacrta zakona, drugih propisa i smjernica koje se odnose na izvršavanje poslova koje je BiH dužna preduzimati u procesu uključivanja u evropske integracije;
- djelovanje kao glavni operativni partner institucija Evropske komisije u procesu stabilizacije i pridruživanja;
- koordiniranje pomoći Evropske unije BiH.

Direkcija će uspostaviti funkcionalni odnos s ministarstvima, upravnim organizacijama i entitetskim vladama po pitanjima koja se odnose na evropsku integracionu strategiju i politike, usklađivanje zakona i koordiniranje pomoći.

## **GENERALNI SEKRETARIJAT**

Generalni sekretarijat obavlja naročito poslove koji se odnose na: pripremu sjednica i sastanaka, vođenje zapisnika, vođenje evidencije, informiranje javnosti, praćenje provođenja odluka Vijeća ministara, protokol; obavlja materijalno-finansijske, administrativne i tehničke poslove za Vijeće ministara u izvršavanju njegovih zadataka; stara se o objavljivanju odluka Vijeća ministara u službenim glasilima, te vrši i druge poslove koje mu odlukom dodijeli Vijeće ministara.

U sastavu Generalnog sekretarijata su: Služba za informiranje; Služba za materijalno-finansijske i opće poslove; Administrativna služba i Služba za protokolarne poslove.

## **URED ZA ZAKONODAVSTVO**

Ured za zakonodavstvo je mjerodavan za davanje pravnog mišljenja o materijalima koji se upućuju Vijeću ministara u pogledu njihovog metodološkog jedinstva u pripremi i u pogledu usaglašenosti s Ustavom BiH i zakonima BiH, te za brigu o objavljivanju odluka u službenim glasnicima BiH, entiteta i Brčko Distrikta BiH.

## **ODBOR ZA UNUTRAŠNJI POLITIKU**

Odbor za unutrašnju politiku je koordinaciono tijelo za oblast iz djelokruga rada sljedećih ministarstava: Ministarstva za ljudska prava i izbjeglice, Ministarstva civilnih poslova, Ministarstva pravde i Ministarstva sigurnosti.

## **ODBOR ZA EKONOMIJU**

Odbor za ekonomiju je koordinaciono tijelo za oblasti iz djelokruga rada sljedećih ministarstava: Ministarstva vanjske trgovine i ekonomskih odnosa, Ministarstva finansija i trezora i Ministarstva komunikacija i prometa.

## **URED KOORDINATORA BRČKO DISTRIKTA**

Ured koordinatora Brčko Distrikta Bosne i Hercegovine nadležan je da vrši sve aktivnosti s ciljem koordinacije rada Vijeća ministara i Brčko Distrikta Bosne i Hercegovine, a u svrhu primjene konačne arbitražne odluke za Brčko.

## **SAMOSTALNE UPRAVNE ORGANIZACIJE**

1. Agencija za statistiku Bosne i Hercegovine;
2. Institut za akreditiranje Bosne i Hercegovine;
3. Institut za mjeriteljstvo Bosne i Hercegovine;
4. Institut za intelektualno vlasništvo Bosne i Hercegovine;
5. Institut za standardizaciju Bosne i Hercegovine;
6. Agencija za državnu službu Bosne i Hercegovine;
7. Agencija za unapređenje stranih investicija u Bosni i Hercegovini;
8. Agencija za rad i zapošljavanje Bosne i Hercegovine;
9. Regulatorna agencija za komunikacije Bosne i Hercegovine;
10. Agencija za javne nabavke Bosne i Hercegovine;
11. Agencija za osiguranje u Bosni i Hercegovini;
12. Agencija za poštanski promet Bosne i Hercegovine;
13. Agencija za zaštitu ličnih podataka u Bosni i Hercegovini;
14. Agencija za nadzor nad tržištem Bosne i Hercegovine;
15. Agencija za antidoping kontrolu Bosne i Hercegovine;
16. Agencija za razvoj visokog obrazovanja i osiguranje kvaliteta Bosne i Hercegovine;
17. Agencija za lijekove i medicinska sredstva Bosne i Hercegovine;
18. Agencija za predškolsko, osnovno i srednje obrazovanje Bosne i Hercegovine;
19. Agencija za sigurnost hrane Bosne i Hercegovine;
20. Konkurencijsko vijeće Bosne i Hercegovine;
21. Uprava za indirektno oporezivanje Bosne i Hercegovine;
22. Ured za reviziju institucija Bosne i Hercegovine;
23. Centar za informiranje i priznavanje dokumenata iz oblasti visokog obrazovanja;
24. Institucija ombudsmena za zaštitu potrošača u Bosni i Hercegovini;
25. Državna regulatorna agencija za radijacionu i nuklearnu sigurnost;
26. Ured za razmatranje žalbi Bosne i Hercegovine i
27. Fond za povratak Bosne i Hercegovine.

Posebnim zakonom mogu se osnivati i druge samostalne upravne organizacije iz nadležnosti Vijeća ministara Bosne i Hercegovine.

Prava i dužnosti, kao i druga pitanja od značaja za rad samostalnih upravnih organizacija, uređuju se Zakonom o upravi i posebnim zakonima i propisima.